

明治十七年改



司印文

第二号

五印度圖

張
圖

舊圖
五印度





五印度

緬甸之西兩藏之西南有廣土突入南海形如箕舌所謂印度
 者也漢書謂之身毒又稱大竺六朝以後釋典皆稱印度今稱
 暹羅新羅一作辰郡又作訶羅身毒印度五國
 之通人入殊也外國地名皆類此印度有五地形入海之處為
 中南兩印度東印度東界緬甸北連後藏北印度雪山拱抱東
 為後藏之邊徼西為西域之札布印亦稱西印度跨印度河
 東切城
 與西域之所當行佛經是接壤東西約五千餘里南北約七千
 餘里境內名水二東曰安羅河發源西北東南流至孟加加相
 擊波以從東北來會之入海印度人稱為靈水佛書所謂
 洲者也西曰印度河發源後藏之阿里西行繞雪山之背至札

卷之三
 附前圖

印度之西北界轉而南行。北印度諸水會之。至信地入海。此外
 西有逆埔他茶地。諸河南有獲他惟利吉那加惟利諸江。北境
 倚雪山。南境沿海有連山環繞。中間數千里皆平土。西北界有
 沙磧。餘多沃壤。迤北寒暑適平。迤南近赤道。炎煬特甚。土宜五
 穀。宜棉花。宜鶯粟。花山水之所產者。金剛鑽。黃玉寶石。青精瑪
 瑙。明珠。珊瑚。藥材。香木。海味。又產獅子。馴象。大鳥。其人多黑面。
 青唇。迤北稍皙。迤南黑甚。以白布裹頭。故粵東呼為小白頭國。地本雕題。
 種類貴人。額塗日光。花卉。或以粉點面。如星。庶人。額刺紋。臂
 髻烙卦畫形。皆雕題遺俗也。男裸上體。耳掛環。下著圍裙。女加
 上衣。穿耳。鼻掛金銀環。臂脛俱帶釧。鐲。人習技巧。金漆雕鏤皆

精絕。所製玉器薄如蟬翼。其地為佛教所從出。故自古著名。自
 後漢通中國。唐時屢入貢。趙宋時為回部所侵割。元起北方。括
 地西南。太祖征服西北印度。世所傳遇角端而迴兵者。至憲宗
 朝。復征服中印度。以宗王駙馬分王其地。東南諸部皆聽役屬。
 由是五印度為蒙古別部。元末駙馬帖木兒王。擢馬兒罕。威行
 西域。印度諸部皆臣服。明嘉靖間。擢馬兒罕別部。莫爾圖。攻取
 中印度地。立國。勢張甚。力尚回教。黜佛教。蒙古在葱嶺西者。至元末皆入回教。諸
 部皆納貢。為藩屬。久而陵夷。弱肉強食。時時搆兵。先是明宏治
 八年。暹羅巴之蘭菊牙。航海至印度西南界之。法暹。開鑿海港。
 建立城邑。市舶通行。以此致富。荷滿忌之。以兵船相攻。亦攘其

啟遠徇矢直高樓對起皎如白雲城外萬艘鱗集百貨所萃富
 盛為五印度之最英吉利有大酋統轄印度全土駐於此城額
 兵英軍三萬土軍二十三萬謂之叙跋兵文職皆幼年從英國
 來學習土語職以洊升祿甚厚加城之東有城曰勞他加織工
 所萃布帛山積昔為孟加拉大酋駐札之地轄三部西北曰巴
 哈爾一作八拿即米西南曰岡都亞那即米圖之西南濱海曰
 河黎薩一作八拿力即巴哈爾戶口繁密人多造硝種鴛粟青
 靛又種玫瑰醱釀造香露河黎薩佛教最盛之地也○阿蘭密
 一作阿三又作亞一作阿三又作亞在孟加拉之東北緬甸之西北前藏之東南
 蔡又名俄地一作阿三又作亞在孟加拉之東北緬甸之西北前藏之東南
 距雲南邊徼不遠西北與布魯克巴相連東西約一千一百里

南北約五百里北面高山綿亘迤南平行膏腴雅魯藏布由
 兩藏來折而南下經此土西行入孟加拉地本土夷部落俗崇
 佛教英人既取孟加拉溯藏江漸拓而東遂據其地立為別部
 會城曰若爾合德其土宜茶近年英人試種每歲得二十餘萬
 觔性寒劣飲之多作泄阿蘭密不在五印度界內因英人由東
 此於印度跨割与孟加拉藩部相連故附記

按西藏志布魯克巴之東工布之南為戮羅烏魯爾免族稱
 為格倫野人國其種人名老卡止嘴割數缺塗以五色穴室
 巢屋獵牲為食阿蘭密之東北境即在格倫稍南東與雲南
 騰越徼外之猓夷德夷相接其未與前藏接壤者隔於格倫

與布魯克巴未與澳省接壤者。隔於狹夷魁夷。然距兩處邊界均不甚遠。

麻打拉薩或作馬搭刺又作曼噠刺薩又作馬達拉斯大在孟加拉之西南。城建於海濱沙坡之上。浪潮衝激。登岸最險。英人設會城於此。專為控扼南方。其人面多純黑。肢體便捷。工百戲。部名曰加爾那的。即米

噶納轄五部。迤北曰北西爾加耳。一作西冷迤西曰巴拉加。一作

北利西南曰哥其巴都爾。一作班牙再西曰馬拉巴爾。一作骨再

西濱海曰加那拉。一作骨北西爾加耳本印度大國。嘗募兵欲

逐英人。英人進攻。割其國三分之一。嘉慶三年再構兵。為英所滅。巴拉加城建山頂。路惟蜿蜒一綫。一夫可以當關。哥英巴都

爾炮臺堅固。街衢方廣。內有故王之宮。英所滅也。屬邑曰撒林。

民多織布造硝。馬拉巴爾山嶺崎嶇。為流徙罪人之地。加拉那

沿海一綫。其城內萬履整潔。頗稱饒裕。麻打拉薩之南。有本地

治里城。一作奔的支黎為佛郎西埔頭。未能辟土。止據一城而

已。五貝一作錫買專在印度西界。沿山傍海。地形狹長。其民勤於

生計。供太陽火神。死者不葬。以飽鳥為。明初。葡萄牙初開一港。

建設埔頭。康熙初年。為英人所奪。其地所產者棉花。胡椒。椰子。珊瑚之類。海舶甚巨。有載二萬二千五百担者。粵東最大之洋

艘皆從港脚來也。部名曰荷隆加巴。一作亞舊有四部大城。居

民逾十萬。遭地震而殘毀。故以孟買為會城。轄三部。東北曰批
的士。即米圖之西北曰古塞拉德。南曰北日不爾。孟買之北。海
濱舊有蘇珠城。昔為商賈雲集之地。城內有禽獸院。養犬牛之
老邁者。自市舶移於孟買。此城日益蕭索。根的士界內有埔拿
城。本馬刺他之都城。米圖作馬爾。嘉慶年間。英人滅之。其地
產鴉片最多。北日不爾之南濱海。有地名荷襪。一作俗稱小西
洋。長一百二十里。濶六十里。明正德五年。葡萄牙取之。建城設
險。役屬鄰藩。自葡萄牙衰。而其地貿易亦微。又荷蘭有城在海
濱。曰可陳。一作近年亦為英人所取。

亞加拉。米圖作亞爾。各拉。在印度東西適中之地。元時。蒙古

初據印度全土。以此為都城。所謂中印度也。殿閣宏整。百宮之
 署畢具。城內有塼陟其頂。可周視九十里。城外有蒙古故王塚。
 亦作塼形。週圍數十丈。工作極奇麗。城四面築炮臺。俱扼形
 勝。民皆回回。不崇佛教。舊時本大都會。自蒙古衰廢。荒殘久矣。
 近年生聚漸繁。貿易復盛。道光十三年。英人於其地立藩部。稱
 為地內省。轄四部。東南曰阿拉哈巴。即米圖之阿連北曰德列
即米圖極北曰古爾。之威。即逆西曰亞日迷爾。一作亞
日迷爾。本回回大部。明嘉靖五年。撒馬兒罕蒙古別部。即取
 其地立國。歷二百三十餘年。當其盛時。印度諸國皆入貢。後權
 臣專政。四鄰內侵。國王孱弱。不能自立。乾隆二十五年。求援於

英英師未至。王已為敵所虜。瞞其目。使自尋道者以為笑樂。英人以勁兵破敵。乃免。然從此地歸英轄。王僅居宮殿。食俸糈。足以養其宗族而已。

按五印度別國埔頭。尚有數處。屬佛郎西者。本地洛里之外。

曰加黎架爾。在加爾那曰牙那安。在北西爾曰商德爾那哥

耳。在孟加曰馬黑。在馬拉巴屬葡萄牙者。有襍之外。曰達蒙

在古塞拉曰的玉。曰奔連。曰加那哥納。曰此這靈。曰薩達利

曰比爾。曰阿斯德。拉加爾。曰巴黎。曰英巴爾。巴升。曰順達

拉。凡的。曰加哥刺。皆海濱小聚落屬連國者。曰西林不爾。在孟加曰

連郎給巴爾。在加爾那大約不過一城一邑。或海濱一廛。藉

藉以僑客商。居積財貨。非裂其壤土而有必也。則亦不足著錄矣。

錫蘭。錫倫。○西崙。○僧伽刺。○楞伽。在南印度之東南。海中大

島也。周廻千餘里。中有崇山高阜。近海窪下。地多雨。多迅雷。山

川靈秀。花木繁絳。禽聲歡樂。風景足怡。林內多象。土人用之。如

牛馬。居民皆崇佛教。云佛生於此。土生齒繁多。穀不足。仰食印

度諸部。山出寶石。海濱出明珠。所產桂皮最良。勝於粵西。前明

中葉。葡萄牙據錫蘭海口。立埔頭。尋為荷蘭所奪。嘉慶元年。刺

吉利。驅逐荷蘭。盡有海濱之地。時錫蘭酋殘虐失民心。其都城

在海濱。名可倫。破英人屢進攻。內潰而亡。全島遂為英有。英以

大酋鎮守海舶屯集之地。名傳可馬里。

天下郡國利病書云。錫蘭山國。古狼牙脩也。自蘇門答刺順風十二晝夜可至。其國地廣人稠。貨物多聚。亞於爪哇。中有高山上產鴉鶻寶石。每遇大雨。衝流山下。從沙中拾取之。階常駿至林邑。極西望見焉。番語謂高山為錫蘭。因名。相傳釋迦從伽藍嶼來登此山。猶存足跡。山下有寺。中貯釋迦涅槃真身及舍利子。明永樂六年。遣太監鄭和等。詔諭其王亞烈。若奈兒。賞供器寶。施於寺。建石碑。賞賜國王頭目有差。亞烈若奈兒。負固不服。擒之以歸。擇其支屬賢者亞巴。乃那立之。十四年。偕占城。爪哇。滿刺加。蘇門答刺等國貢方物。正

統十年。天順三年。復入貢。云。余嘗聞米利堅人稱神理云。錫蘭為天竺本國。今稱五印度為天竺。乃世俗相沿之誤。按後漢書。即以天竺為身毒。似非以一島之名概全土。神理所云。不知何所據也。

五印度中東南諸國。大半為英所夷滅。分隸四部。尚有十餘國。納款稱藩。僅存故號者。英人各派大酋駐札。代理國政。○他干

又名巨奈。

一作巨散。米圖作海特爾拉。其都在南印度腹

地。幅員之廣。為中南諸部之最。國無政而好戰。民多怨畔。四鄰

并侵。英人助以兵力。乃免於亡。遂降於英為屬國。其地天氣炎

熱。物產豐饒。風俗邪淫最甚。地分五部。曰海德拉。○特爾拉。

其都城也曰止德爾曰比拉爾米圖作曰亞兀郎加巴曰止乍
不爾○那哥不爾一作納在德干之東北幅員半之素以盜劫
 為俗飛騎四出剽掠諸鄰英人力征降之今為屬國其都城與
 國同名所屬通商之地曰罷架爾曰郎德各曰昭布爾曰拉登
 不爾曰馬合羅曰列不爾曰古達曰威拉合爾○刺日不德取
國之南勃又名澳地在西印度幅員遼濶西境沙磧居多東境
士布他拉上田最沃江河足資灌溉舊本大國夙稱富饒以力不敵而降
 英地分九部曰日宜不爾曰哥達曰奔的曰荷代不爾曰入德
 不爾曰當克曰日薩爾迷耳曰比加尼爾曰巴的○費索爾一作
買素又作邁蘇耳在南印度南界素稱強國地多沃土農功甚
 即米圖之買若爾

力其王好戰侵伐四鄰連年不息英人力戰取其地散其兵乃
 降為屬國都城與國同名所屬通商之地曰邦加羅爾曰奧那
 巴登曰義德拉克曰賽拉曰哥刺爾○烏德米圖作烏納西在
 東印度北境與尼泊爾為鄰力不敵英降為屬國都城曰盧各
 爾所屬通商之地曰非薩巴爾曰義拉巴曰巴來支曰丹達○
 西林德在北印度降德勃至河之左本塞牙國左部降於刺為
 屬國地分四部各有酋長曰巴的亞拉曰達內薩爾曰拉的亞
 納曰翁巴拉○邦德爾干波德爾馬爾加那皆中西印度小國
 與新的亞大牙相錯孱弱不能自立降於英○日瓜爾又名古
 宜加兀爾在西印度西南隅三面懸海素以寇掠為俗印度人

稱為賊渠為強敵所迫降於英。都城曰巴羅達。一作巴羅達○薩達
 拉英之屬國。在德干之西南。都城同國名。所屬通商之地。曰馬
 合比里昔爾。曰美黎至。曰般德爾不耳。曰合達尼。○達拉王哥
 爾。亦英屬國。在南印度極西南海角。都城曰的里瑪德校。所屬
 通商之地。曰達拉王哥爾。曰波爾架。曰因蘭。曰安任加。○普孟
 雄。一作者木雄在東印度北境。介臣泊爾布魯克巴之間。北連前藏
 壤地最狹。人戶止五六千。降於英為屬國。○此外中西印度尚
 有數小部皆屬於英。

按印度中東南諸部皆已屬英。內德干等十餘部。因納土歸
 降。未夷九縣。然各國皆有英酋駐札。代理國政。名號空存。塊
 然守府。介於若存若亡之間。亦終歸於絕滅而已。

布魯克巴。一作不丹。在前藏之正南。其北境與前藏之帕爾接壤。東

南界英人新闢之阿薩密。西南界孟加拉。西界普孟雄與孟加拉
 拉。東西約一千五六百里。南北約六七百里。為紅教喇嘛總持
 之地。與西藏之奉黃教同。舊分布魯克巴兩族。雍正年間兩
 族相仇殺。先後赴藏投誠。貝勒頗羅鼐為和解之。各遣使奉表

貢方物。後嘗畢合於布魯克巴為一國。其地時序和平。類中國遠
 勝。兩藏土田肥沃。湖河交貫。五穀蔬菜瓜果皆宜。戶口極繁。產
 棉花。大黃。黑金紋石。地分二部。曰德白拉。即布魯克巴。曰比斯尼

即噶都。城在德白拉。曰達西。藏。西。藏。志。作。托。什。曲。乃。國。王。所。居。名。

坤陽距札什西藏喇嘛往來五印度率取道於此按布魯克巴曲宗二百里東中間僅隔普孟維一小部泰西人地圖附見於五印度而其書則別稱爲不丹國不列五印度諸國之中蓋其地勢偏東不在五印度界內也今附錄於此

廓爾喀一作廓爾卡本名尼泊爾一作尼巴爾又稱巴勒布一作巴爾布

或稱白布廓爾喀乃其別部城名當孔道而貿易繁故其名獨著猶西域浩罕之稱安集延也在東印度北境東西南皆界英

人孟加拉亞加拉屬部東界普孟維北境昆連後藏東西約一

千六百里南北約四百里舊分葉楞布頗庫庫木三部雍正九

年各以金葉表文貢方物後併為一國乾隆五十六年侵擾後

藏陷札什倫布大掠而去相國福文襄公率索倫勁旅征之懸

軍深入累戰克捷逼其都城先是英人既滅孟加拉東印度諸

部皆降獨廓爾喀血戰保疆未遭蠶食且數數攻英屬部至是

英人聞中國進兵亦興兵擾其邊廓夷震恐赴大軍乞降獻還

所掠弁獻首禍馮爾巴之尸詔許其內附五年一貢由四川

北上其北境連雪山凌摩霄漢終年積雪土肥沃產二麥黍稷

各豆甘蔗棉花丹麥肉苳其人短身強狼多力戶口約百餘萬

嘉慶二十年與英人交江構兵累年近年復相攻互有勝負其

國亦雕題種類彩衣塗額與印度諸部同面色尚不甚黑俗崇

佛教紅黃喇嘛趾相錯惟不能操大權國分九部曰尼泊爾首

城名加德滿都一作甲曼土其國都也曰念四洋首城名廓爾

又作陽布

其國都也曰念四洋首城名廓爾

又作陽布

其國都也曰念四洋首城名廓爾

又作陽布

其國都也曰念四洋首城名廓爾

又作陽布

喀曰念二汗。首城名齊伊利。曰馬各王不爾。首城名同。曰幾拉
 德斯。數曾分據。首城非一。曰加當。首城名希當。曰札言不爾。首
 城名同。曰薩巴帶。首城名那刺加利。曰麼隆。首城名那刺加利
 爾。

按廓爾喀地形狹長。幅員非廣。當英吉利破滅孟加拉。席卷
 長驅。諸部望風瓦解。獨廓爾喀自保疆圉。不失寸土。其陰險
 多謀。習於戰攻。實為印度諸部之最。然輔車無鄰。獨支大敵
 亦岌岌之勢矣。廓是稱英人屬部為
 披楞。又稱為里底。

西藏志附錄稱。距後藏塞爾地方十日程。係白木戎界。管九
 部。曰納噶爾汗。曰雜納。曰餘隆巴。曰拉不立。曰額郎紬。曰隨

巴。曰立巴。曰雜不立。其地稱為小西天。東與朱巴連界。南至
 大西天。孟烏子。西至白布。北至後藏。日蓋子。又云由白木戎
 西去十日。交大西天界。再行十日。始到小西天。不爾牙王子
 住處。從此上船。由海中行半月。即至大西天。云。余按大小
 西天。本番僧夸誕之稱。大約以印度之東北一帶為小西天。
 而餘則稱大西天。與前後藏接壤者。東有布魯克巴。西有喇
 爾喀。中間止有普孟雄小部。別無大國。此所云白木戎。東至
 朱巴。朱巴不知為何地。西至白布。白布實即廓爾喀。南至大
 西天。孟烏子。似即廓爾喀南隣之烏德。然則所云白木戎者。
 仍即白布。仍即廓爾喀耳。兩藏與印度。以雪山為界。雪山嶽

崙谿谷中藏川谷原非一帶齊截橫亘如垣中間夾雜之番
 戎小部容或有之然斷無極大部落而人皆茫昧之理又所
 云白木戎行二十日至不爾牙上船入海至大西天云云今
 攷印度東界入海之處惟孟加拉最近此所云不爾牙應即
 是孟加拉由廓爾喀至孟加拉約千餘里似白木戎之為廓
 爾喀無可疑也至番部地名本多舛訛重譯之餘言人人殊
 固亦不足怪耳

塞哥一作悉國
 又作西刻
 迷爾又作其別部之名其國自古以此部為國名新唐書謂
 夾氏米爾乃其別部之名其國自古以此部為國名新唐書謂
 之迦溼密勤元人謂之乞石猶尼泊爾之稱廓爾喀浩罕之稱安
 迷耳皆克什米爾之轉音也

集延也東北雪山環抱與後藏西徼毘連西北隅接西域之札
 布西界阿富汗界西南界信地東西約千里南北約二千
 五百里其地時序和平山水明秀沙磧雖多而土田極沃農功
 甚勤戶口約三百萬商賈善於行遠西域回疆後藏處處有之
 國舊分左右部以隆德勒至河為界河左之西林德部已降英
 吉利為屬國餘諸部皆在河右各有酋長不相統屬乾隆末
 爾即利酋長林日星無并河右諸部為一又逾印度河割阿富汗
 汗數城繼立之王尤雄武以歐羅巴人為將戰勝攻取四鄰長
 服道光十九年王卒宗孫嗣立信任護侯大棟旁落國勢頓衰
 先是英吉利攻滅孟加拉乘勝降諸部值塞哥兩世得賢主

國治兵強故英人止戈修好未嘗措意至是昏庸在位間隙可乘遂連年大舉深入侵割其疆土過半其所失為何部尚未得其詳也國分九部首曰本若都城建於拉維河岸曰勞爾一作木圖作貿易繁盛為通國大都會曰開宜斯丹首城名拉德如亂曰克什米爾首城同名曰着道首城名亞德各曰亞薩勒曰北朝威爾曰額爾加爾不耳曰木耳丹曰勒亞曰德勒義斯馬伊爾汗曰德拉合西汗曰巴合瓦爾不耳首城皆同名道光二十年粵東譯出英人新聞紙有英軍攻阿什爾汗俄羅斯約未合聞欲取阿什爾汗之說意在爭北印度也二十六年傳聞英人用兵於北印度有取得西刺之加治蘇爾與後藏接壤欲赴藏通市之說西刺即塞哥如治蘇爾即克什米爾據西人所刺地蓋克什米爾在塞哥極北界英人果割地至此則已指塞哥之背不止喪地實多抑且危如朝露矣

新的亞一作新地亞在中印度地形曲折迴環與英人屬部落錯素以剽掠為俗飛騎出沒屢與英人構兵地分三部各有酋長不相統屬曰亞加拉亞加拉蓋其西南部首城名瓜利爾其王都也曰干德宜至首城名不耶不爾曰馬重機即米圖之馬首城名不耶不爾曰馬重機即米圖之馬每年運出二萬餘箱

信地即米圖之在西印度極西南隅北界塞哥西界俾路芝南臨印度海印度河由此入海南北約千里東西約五百里都城曰海德拉巴其國未歸英轄

按以上五國惟布魯克巴偏東不在五印度界內然東西南

三面皆介英人新闢之土。亦可危也。菲爾察強悍。能自立。且狡焉。思啟寶英人。東面勅敵。塞哥地大兵強。新的亞割。輕善戰。借地遠在邊隅。勢異。魯縞又逢。弩末。故三國徼幸未亡也。然近年塞哥境土已亡。失過半。而新的亞包括英土之中。四面受敵。臥榻之旁。難容軒睦。安陵之能。否獨存。尚未可知。倘竟不支。則唇亡之信。地取之。有如拾芥。五印度之全。為英所固。意中事耳。前藏以布魯克巴為屏蔽。後藏以廓爾喀為屏蔽。兩部皆蘇一撤。則兩藏直與之接壤矣。五印度在亞細亞一土。正當午位。北面雪山綿亘。南境斗入漢渤。襄延蓋萬餘里。漢武帝欲由身毒通大夏。斷匈奴右臂。西南夷之役。由此而興。然單車之使。卒未能度。涇河。額河。而

西發。東漢時。顯宗求佛法。始遣使。由是漸通朝貢。唐代往來尤頻數。北宋時亦屢來貢獻。元太祖起於漠北。未削金源。先開西土。由印度之西北。轉戰而南。憲宗繼之。五印度遂全歸囊括。亘古蠻荒之域。使以鞭笞。頗行莫逆。功烈可謂奇矣。惜乎有其土。莫能變其俗。宗王國威。遠被蠻封。難繫其器。蓋他自泰迨元政。既衰。聲靈隔絕。諸部之所。雖強半蒙古。苗裔而與。昔日之蠻荒。亦無大區別也。歐羅巴諸國之居印度。始於前明中葉。倡之者。葡荷牙。繼之者。荷蘭佛印。西英。吉利。皆以重賞。購其海濱片土。營立埔頭。蠻人情憤。不察。萌牙。英吉利漸於各海口。建立炮臺。調設兵戍。養銳蓄謀。待時而動。迨

孟加拉一發難端遂以全力進攻諸蠻部連雞樓架等於拉
 朽折枯於是五印度諸部夷滅者十八九哀哉英人自得五
 印度權稅養兵日益富強其陸地與西藏之南界滇省之西
 界雖壤地幾於相接而梯度繩懸往來不易水程則自孟加
 拉至粵東無旬可達通年英人貨船自印度來者十之六七
 昔日之五印度求疏通而不得今日之五印度求隔絕而不
 能時勢之變固非意料所及矣

英吉利印度埔頭孟加拉最盛孟買次之麻打拉薩又次之
 英吉利本國商船與歐羅巴諸國之船每歲往來以數千百
 計其稅銀每歲得千餘萬養兵太多支銷之外所餘亦無幾

中國之布從前皆以麻織自元太祖征印度乃得棉花之種

棉花初稱吉貝流傳中土至今衣被九州功駕桑麻之上其利溥矣

乃鴉片之毒亦出於此五印度諸部皆產此物而最多者為

馬刺他川南滇西地近印度故亦有種植當業者鴉片分兩種成團者為大土其

價昂聚於孟加拉麻打拉薩成片者為小土其價廉聚於孟

則五印度貨物惟棉花鴉片最多近年竟以鴉片為主每歲

出運數萬餘箱宇宙浮華之氣乃倒鑄於佛國何其怪也

回疆葉爾羌等城時有克什米爾溫都斯坦兩處之人往來

貿易西域聞見錄謂兩部皆回部大國由葉爾羌南行六十

餘程至克什米爾又四十餘程至溫都斯坦以今攷之克什

隨摘諸飾。分贈所厚。而跳入火。眾皆嘖嘖稱羨。俟火化而後去。每歲三四月。群聚賽神廟。門外先豎直木一。再取一木。度其長之半。鑿孔橫穿直木上。令活動可轉。橫木兩端。各以繩繫鐵鈎二。有數人赤身。以長幅布圍下體。手縮一籃。籃內裝各種時果。立其下。眾先取兩人。以橫木兩端鐵鈎。鈎其背脊兩旁。懸諸空中。手足散開。狀如飛鳥。觀者舉橫木推轉之。其人取籃中果。分撒於地。群爭拾之。果盡。復換兩人。眾皆歡笑。不以為苦也。得果者歸。以奉家長及病者。以為天神所賜云。土產棉花。鴉片。煙硝。牛黃。白糖。海參。珊瑚。訶子。檀香。鴉片。有二種。一為公班。皮色黑。最上。一名以第咕喇。皮色赤。稍次。皆

華人所謂烏土也。出於明呀刺屬邑。地名阻擊。即八其出。曼達刺薩者。亦有二種。一名金花紅。為上。一名油紅。次之。出馬拉他。及查吼哩者。名鴨屎紅。皆華人所謂紅皮也。出孟買及仰光者。則為白皮。○曼達刺薩。即麻打。在明呀刺西南由葛支里。沿海陸行。約二十餘日。水路順風。約五六日。亦莫吉利大埔頭。有城郭。其他客商多。阿哩敏。番即來。專戴三角帽者。是也。土番名。靈那哩。風俗與明呀哩略同。土產珊瑚。珍珠。鑽石。銀。銅。棉花。訶子。乳香。沒藥。鴉片。魚翅。蝦。梭。多。梭。多。形如小洋狗。又有金邊洋布。價極貴。一疋有值洋銀八十枚者。內山為噫包補。噫包補。華言大也。本回回種類。其間國名甚

多○笨支里即本地治里一作房低者里一在曼達刺薩西南為佛郎機所轄地由曼達刺薩陸行約四五日水行約日餘即到土產海

參魚翅訶子棉花猴梭子○咕八當即海國開見錄所云

頭在笨支里西嶺介中疆域甚小土番名耀亞即矮阿一作瓜亞○

西嶺又名咕魯寨由笨支里水路約六七日可到土番名高

車子風俗與朋呀哩略同土產海參魚翅棉花蘇合油以上各地

名皆東印度及中南印度東畔沿海各埔頭○打冷林柯即達拉王哥爾在西嶺西北順

風約二三日可到疆域甚小土番極貧而性頗淳良風俗與

上略同屬邑有地名叻補西洋客商皆居此土產海參魚翅

龍涎香訶子○亞英在叻補西北順風約五六日可到土

俗與上略同土產棉花燕窩椰子訶子○因負陣可在亞英

叻西北順風約日餘可到本荷蘭埔頭近亦為英吉利轄土

產乳香沒藥魚翅棉花椰子蘇合油血竭砂仁訶子大楓子

○隔海骨底在國負北少西順風約二日可到土俗與上同

產胡椒棉花椰子俱運至國負售賣○馬英在隔海骨底北

少西順風約二日可到為佛郎西所轄地即馬風俗物產與

上略同○打拉者在馬英西北陸路約數十里土俗與上同

產胡椒海參魚翅淡菜○馬刺地即馬直機一作馬爾窩本

最多在打拉者西疆域甚長沿海分為三國一小西洋一孟

加刺一麻爾吧為回回種類凡拜廟廟中不設主像唯於地

處

上作三級各取花瓣編撒其上。群向而拜。或中間立一本推。每月初三各於所居門外向月念經。合掌跪拜誓首。土產棉花。胡椒。魚翅鴉片。○小西洋即俄在馬刺他西北境。為大西即葡所轄。地土番名盈去。奉蛇為神。所畫蛇有人面九首者。婚嫁與明呼哩同。死則葬於土。每年五月男女俱浴於河。延僧坐河邊。女人將起。必以兩手掬水洗僧足。僧則念咒。取水饋女。而後穿衣起。又有蘇都魯番。察里多番。咕魯米番三種。多孟婆羅國人。西洋人取以為兵。其風俗與盈去略同。○孟婆囉。在小西洋北山中。由小西洋順風約日餘可到。王都在山中。以竹為城。風俗與小西洋同。土產檀香。犀角。○

麻倫呢。在孟婆囉北順風約日餘可到。風俗與孟婆囉同。土產海參。魚翅。鮑魚。二國貨物多運至小西洋售賣。○孟哩。在麻倫呢北少西。順風約一二日可到。風俗與小西洋略同。土產瑪瑙。棉花。鴉片。洋蔥。洋蔥之白寸餘。熟食味極美。○孟買。在孟哩北少西。相去約數十里。為英吉利大埔頭。有城郭。土番名以史。顏色稍白。性極淳良。家多饒裕。土產瑪瑙。大蔥。棉花。阿魏。乳香。沒藥。魚膏。魚翅。鴉片。番蠟。棉花最多。○蘇即蘇在孟買北。水路約三日可到。土番名阿里。敏物產同上。○淡項讀平在蘇北。水路約日餘可到。土產同孟買。○仰肚在淡項北。疆域稍大。順風約二日可到。風俗與孟哩

諸國略同土產海參魚翅俱運往蘇珠玉販賣以上各地名皆中南

印度呼曰自曼達利薩至啣肚土番多不食猪牛羊犬唯

食雞鴨魚蝦男女俱帶耳環自明呀喇至啣肚西洋人謂之

哥什塔一作什塔中國稱為小西洋土人多以白布纏頭所謂

白頭番也遇王及官長躡身合掌上於額過然後起子見父

母亦合掌於額平等相見亦如之其來中國貿易俱附英吉

利船本土船從無至中國中國船亦無至小西洋各國者○

余按此錄所載乃東中南三印度沿海大小各埔頭其腹地

國土疆域謝清高均未涉歷故不能言其詳因其敘述諸番

風俗物產頗為明備故附錄於此

印度為佛教所從出晉法顯北魏惠生唐元奘皆遍歷其地

訪求戒律大乘要典紀載特詳其所謂恆河者即今之

河印度人稱為靈水諸佛菩薩羅漢繪塑之像多裸上體或

耳帶環脛束釧乃印度本俗至今未改所衣袈裟即印度人

外著之沙那僧人為禮合掌膜拜亦皆印度土俗也佛法自

後漢入中國至南北朝而達摩航海東來演教外列傳緇流遂

布滿中國紅衣喇嘛教起於烏斯藏其地本毘連印度至前

明中葉宗喀巴別唱宗風演為黃教內外蒙古暨瓦刺各部

靡然從風其教可謂盛矣然自回教興於唐初由天方漸傳

東北不特玉門以西多花門種類而佛法最盛之五印度亦

漢書列安
漢書列安

廿七
黃州良雅

大半舍牟尼而拜旅罕。漢軍巴爾即摩哈元起北方最崇佛
教太祖憲宗取印度建為外藩乃其地已半從回教不特不
能改革而蒙古居其地者亦改從回教蓋自宋元以後五印
度佛教已不如回教之多。至今日而印度各國備歐羅巴之
東藩又參以西教而佛教愈微矣。慧光照於震且而淨土轉
滋他族物莫能兩大想佛力亦無如之何耶。

近刻有將巴社阿丹兩回國稱為西印度并極西之如德亞
亦隸之西印度者其說甚奇不知何所本。五印度者漢之天
竺身毒也。巴社即波斯漢之安息也。阿丹即亞剌伯漢之條
支也。說詳四部四國圖後如德亞即拂菻古羅馬之東境漢之大秦國

也。漢書列安。息為一國條支為一國大秦為一國天竺為一
國。今日皆西印度則是有天竺而無安息條支大秦也。夫天
竺自古之弱國也。幅員雖廣而怯懦不善鬪。西北諸胡取而
代之者屢矣。東漢時大月氏方強嘗殺其王而置將。今統其
人。唐時亞剌伯回部方強屢侵割其境土。趙宋時半為回部
所割據。至元明而五印度全為蒙古所囊括。是他國之兼有
印度者代有之矣。未聞印度之兼有他國也。漢書天竺傳稱
月氏高附國以西南至西海皆身毒之地。或者因此傳會歟。
高附不知為今何地。其國介天竺南與安息之間。大約在印
度河左右南至西海者指印度海非指地中海也。唐沙門元

漢書列安

廿七
黃州良雅

莫訪求釋典通歷五印度各有紀載其記西印度諸國總不
 離印度河左右而曰自此西北至波斯非印度之國也西
 北接拂憐西南海島有西女國並非印度境波斯即波斯
 所謂巴社也拂憐即拂菻泰西人稱猶太國其都城曰耶路撒冷音為耶路撒冷所謂
 如德亞也如德亞之北曰西里亞西女即西里亞元奘親歷其
 地而斷其非印度境今乃無端而辯之印度義何取乎如曰
 其國在印度之西不妨名為西印度則葱嶺東西之城郭諸
 國以及烏斯藏衛皆可名為北印度滇池緬甸暹羅安南真
 臘皆可名為東印度乎廣印度於天下其意何居為此說者
 當代博雅名流或其別有所本而非予之所及知也書之以

質所疑

印度以西國部

卷之三

洋
海
志
卷
三

古
今
海
國
圖
考



圖說此心古

古大舍野
境五國東

東十耳其耳

基斯麻蘇

塔爾一區守
即基海

巴山境

河恒阿

基其耳土東

古其羅海

山恒阿
恒河

印度洋

恒河

印度洋

西印度
信地

印度河

度印南

印度海
加西洋

漢書卷九十五
西域傳第六十五



印度以西回部四國

阿富汗阿富汗在土什○度回部大國也。北界布哈爾。東界印
 度南界佛路。西界波斯。東西二千餘里。南北千餘里。乾隆二
 十四年。因被逆克山內附。屢貢良馬。其國本波斯東境。明正德
 初。有巴卑爾者。取布爾○一作堪。逆哈爾濟斯。在三城。自立為
 國。傳二百餘年。至康熙中。波斯衰亂。阿富汗乘勢并無。得其全
 土。越十七載。波斯復興。那的爾沙既得國。詳波斯傳。盡銳東伐。滅阿
 富汗。那的爾沙死。阿富汗王子亞美里沙收復故土。仍與波斯
 并立。乾隆五十四年。王塞曼沙為弟馬基所篡。國大亂者十餘
 年。北印度之塞哥。一作志國已詳與阿富汗隔印度河為鄰。阿

富汗盛時常渡河取窳哥邊地俗傳窳哥軍滅溫都斯坦即此事也至是內訌窳哥

哥勞部窳哥都城一作勒懷酋長林日里收復河東地并渡

河割數城阿富汗由是不振近年與英吉利所屬之印度西部

構兵數年講和而罷其國介印度波斯之間天氣酷熱多雨西

界有沙磧餘皆沃壤俗事耕種無游牧城池壯麗戶口殷繁勝

兵數萬軍器用烏鎗長矛腰刀不習弓矢風俗與波斯同土產

鐵錫鑿鹽礪砂硫磺煙葉棉花阿魏青黛丹參甘蔗地棧○阿

富汗分九部首部曰喀布爾一作其都城也地處平原烟戶湊

密景象繁華曰塔達喀爾在國之東北隅四面皆山亦大都會

曰哈斯那與上二部皆商賈輻輳之地曰羅各曼曰日刺拉巴

曰維西曰發末曰都札克曰伊隆達爾

按阿富汗本波斯東境前明中葉乃裂波斯數城自立為國

前此固統於波斯別無名號也世多傳其無并溫都斯坦今

攷溫都斯坦乃五印度總名與阿富汗為鄰者為北印度之

窳哥國兩國本以印度河為界阿富汗常逾河而割窳哥之

西境迨後窳哥亦逾河而割阿富汗之東境所謂疆場之邑

一彼一此者耳西域聞見錄謂教罕與溫都斯坦地界是連

各以威力相制迭為強弱今攷與溫都斯坦為鄰者阿富汗

之外別無教罕國名蓋阿富汗一作窳烏罕愛烏合音近教

遂誤以愛烏罕為教罕而安集廷之浩罕都城亦稱教罕

論者遂以此譏補圖之謬妄謂其移極北之回部於南方實則轉音之訛訛而不足深訛也又聞見錄云教罕之人種類不一有與內地回子相似者有與安集延相似者有與土爾其特相似者有毛髮拳曲與俄羅斯相似者又一種人亦回子衣帽鬚髮頰如蝟而赤染以茜其人多力善用本矛西域人多畏之又一種人圓領大袖衣冠類漢唐貌清奇似朝鮮人或謂是後漢之遺種云又云教罕西域之大國亦西域亂邦詐力相尚日日皆逐鹿之勢蓋自古而然云余致西洋人地圖阿富汗境土縱橫皆不過一二千里幅員既無莫大之勢種族安得如許之繁蓋其國本波斯所分迨後

由分而合復由合而分西域不知波斯國名遂以波斯各部種類並歸之阿富汗耳泰西人亦稱波斯客籍流寓種類甚多語音不一有額力西者即有阿丹者即有羅波者即馬有群魯機者即耳其正與聞見錄所云相合至兩國再合再分兵爭數起又復時時內訌迭相篡奪所云日日皆逐鹿之勢殆不虛也

印度西接波斯南臨印度海東西約一千七八百里南北約六七百里岡卓重疊沙磧廣莫田土甚瘠僅敷耕食時序和平物產與阿富汗略同國無王分六部曰薩拉曰

傳拉學曰：蓋那曰：漢加蘭曰：古漢斯丹。六部各有酋長。國小而強，習於攻戰，與英吉利所屬之印度西部時時構兵，互有勝負。按俾路芝立國不知所自始，明初鄭和等使西洋，乃有忽魯謨斯國名。泰西人舊地圖，阿富汗俾路芝皆歸入波斯，不列為國。蓋阿富汗本波斯東北境，則俾路芝自是波斯東南境，同族分爭，偶然割據，遂別成部落耳。又四裔考謂曼烏罕之南，有思布部落，過思布亦海也。云。正指俾路芝也。

波斯白西○包杜○巴杜○高春○白爾波○法耳西○北耳西亞○巴爾齊亞○伯爾西亞○伊蘭○哈烈○黑魯○克同部大國，粵東呼為大白頭，呼印度為小白頭，兩地皆有白布纏頭之俗，因以為名者也。東北連沙漠界，布哈爾東界阿富汗。

汗俾路芝西接東土，其北抱婁波與俄羅斯接壤，南抵阿勒富海俗稱東紅海，與阿利伯羅連一隅。其國地界遼闊，長約四千餘里，廣約三千里，雄富寶貨，與中國貿易最早，所謂碧眼波斯胡也。立國在有夏之初，春秋時居魯士，由馬太開基，稱雄一時。後與歐羅巴之希臘諸部時時構兵，迨羅馬既興，猶太以西賣括無遺，獨波斯未入版圖。其俗舊奉太陽火教，古時內地有火教，柯由北而來。唐初回教興於阿利伯，波斯與之鄰，國為所奪，由是為回四大部。唐宋兩朝屢貢方物，元末駙馬帖木兒據撒馬兒罕富強無敵，今葱嶺以西東海以東諸國皆撒馬兒罕所屬。遺其子沙魯哈據波斯，稱西烈國。明永樂間嘗入貢為西域諸部之首，後為土耳其部人所奪，傳

二百餘年而衰亂廢弒頻仍。尋為阿富汗所兼并。康熙三十三年。故王後裔達馬斯募兵攻略。恢復舊土。大將那的爾沙本盜渠。達馬斯倚以集事。賞不酬勞。遂舉兵反。弒達馬斯代其位。攻阿富汗滅之。乾隆十二年。那的爾沙為其下所殺。國又大亂。東境復為阿富汗所據。那的爾沙部將哈達據西境立國。惠愛其民。稱為賢主。在位三十年而卒。弟薩的謀鴆嗣王。外戚亞里木拉以討亂為名。起兵攻陷都城殺薩的。并弒嗣王。遂僭位。亞里木拉死。大酋日非爾代之。寺人馬阿美攻滅日非爾。據王位。馬阿美死。姪巴巴塞爾達耳繼立。今有國者不知為誰。都城周十四里。極鞏固。王宮疊石為屋。平方若高臺。不用梁柱。瓦甍中敞。

虛空數十間。窓牖門扉悉雕刻花文。繪以金碧。宏麗無比。別有園林池沼。尤極幽奇。國王最尊嚴。刑賞任意。視臣工如奴僕。土肥沃。節候多暖。少雨。產良馬。紅棗。白鹽。銅鐵。琉璃。珊瑚。琥珀。珍珠。翠羽。又產獅子。獅子生阿木河。即阿母河。漢書稱為師水。上流在布哈爾境內。 麓林中。初生。日閉。七日始開。土人於日閉時取之。調習其性。稍長則不可馴。其民強健。男女多美姿容。風俗繁華。好修服飾。國尚武功。交戰殺敵必割耳以為信。嘉慶十八年。與俄羅斯構兵。敗績。割北境之日爾日部。道光初年。波斯欲窺印度。度磧圍札。布哈爾之希辣城。別人以兵拒之。乃引還。 ○波斯地分十一部。布哈爾。以辣地。多山阜。都城曰德黑蘭。建

於北境之平原。北方三部。極西北曰義蘭。一作伊蘭。一作倚蘭。稍東曰馬

郎德蘭。一作馬散地蘭。兩部皆背負裏海。前阻連山。臘原。衍沃。林密。草

芴。河流足資灌溉。耕牧皆宜。義蘭在西北。最著名。昔有大城。極

富庶。今廢。東南曰連巴利斯丹。建有大城。商賈所萃。西方三部。

極北曰亞塞爾拜然。迤南曰古爾利斯丹。一作古爾的斯丹。巴爾三。再東南

曰古西斯丹。三部土甚沃。水利足資灌溉。惟西鄰土耳其。時被

寇鈔。民恆苦饑。南方二部。曰法爾斯。在以辣之南。山水最為清

勝。其東曰給爾滿。一作克爾曼。地多沙磧。有草場。羊馬孳息。土人以

羊毛造氈。帕極精緻。法爾斯之東南臨海。曰刺郡。又名地福狄。

多沙。所產惟紅棗。東方二部。北曰哥刺森。北界布哈爾。東界阿

富汗。土甚沃。而北方游牧者。時侵掠之。居民不得安業。迤南曰

古義斯丹。與阿富汗俾路茲為鄰。法爾斯之西南。有海口曰亞

不支爾。為通國大埔頭。東南隅有悉末真者。古時海舶互市於

此。久已荒廢。瓦礫之場。有古殿。太陽火神祠也。

西域聞見錄云。塞克西域一大國也。在教罕西。絕非回子種

類。稱其王曰汗。部落數百。各有統轄之人。皆其汗之阿拉巴

圖。奴僕也。事權歸一。無跋扈叛弒之事。城池巨麗。人民殷庶。居

室寬敞。整潔。人家院落中。各立木竿。向之禮拜。冬夏和平。風

俗坦白。尚宴會。喜歌舞。人多力善射。與教罕稱勅敵。云云。論

者極誣其謬妄。謂教罕之西。並無此國。殊不知榛園之所謂

教罕者乃愛烏罕並非安集延之教罕所云塞克者即波斯國也波斯開國最早漢書稱為安息唐書稱大食波斯人記居番士分國為二兩子治之其一波斯本國漢書所謂安息也其一泰西人未紀其國名考之漢書有烏弋山離國在罽賓之西南地健條支之東北似即波斯所分國蓋泰西則稱安應得其西北烏弋得其東南也然亦未有確據

為波斯至今未改或譯為包社白西亦猶是波斯轉音元人稱為哈烈乃以蒙古語更易地名其國在布哈爾之西南愛烏罕之正西並非絕域其人長於服賈西域諸城亦必往來數數而近來記西域事者絕無一語及於波斯蓋賈人止稱城邑聚落之名紀事者因訛襲謬遂不復知為何國耳惟四裔考謂愛烏罕取點沙特諸部於伊蘭伊蘭即波斯乃波斯

北部著名大城又首部名以蘇亞日地爾以蘇亦音近伊蘭其為指波斯無疑惟波斯亦奉回教而榛園謂非回子種類又謂去葉爾羌二萬里失之太遠皆傳聞影響之說不足深辨又云塞克西北與我羅斯薩穆接壤或云與阿刺克等國犬牙相錯云今考波斯西北隅實與我羅斯接壤西與東土耳其接壤所云薩穆當即猶太之撒馬利亞南界與亞利伯隔阿勒富海相望陸地亦連一隅此云阿刺克即阿刺伯指畫地界處臆合塞克之為波斯尚何疑耶

泰西人記波斯古事云波斯立國最早夏后不降時其王有札的勞摩者初造兵端嘗侵厄日多掠其財貨厄日多即麥西詳阿非利

加圖 歷商及周部落事蹟無攷。成周中葉分數部。有馬太者。
 波斯大部。其王有女將嫁。夢葡萄生。懷中遍覆。亞細亞地。疑
 女生子。將背叛。已而女產子。王命格殺之。使者不忍。休牧人。
 牧人妻方生子而殤。乃乳哺。王切為己子。名曰居魯士。一作西洛
斯又作 後王知其不死。急捕之。不得。怨使者。之給已也。烹其
 子而食之。居魯士既長。英武過人。沉愛得衆心。時馬太王暴
 虐。國人側目。居魯士因募兵攻王。王命將征之。將即子被烹
 者。以全軍降居魯士。合兵攻王。王敗走。死於荒野。居魯士遂
 王馬太。時周靈王五年也。居魯士既得國。修法度。詰戎兵。兼
 并小弱諸部。聲威大震。時波斯別部有呂亞亞國。富厚甲於

諸鄰。聞居魯士逐外祖父而自立。欲伐之。其臣諫曰。馬太族
 貪而悍。得其地無利於國。况其勢方強。不可犯。王不聽。遂起
 兵。居魯士禦之境上。陣兵大戰。波斯軍皆棄。駝而呂底亞軍
 乘馬。駝咿嗚嗚。馬見輒反走。波斯軍乘勢崩之。呂底亞軍大
 潰。遂北至都城。一鼓而下。擒其王。縛置積薪上。將燔之。王大
 恟曰。悔不聽賢臣之言。以至於此。居魯士詢得其故。惻然釋
 其縛。赦臣民。秋。毫無犯民。大悅。舉國皆降。波斯之西。有巴
一作巴心。又作巴心。 據亞細亞地。即土耳其東中兩土。
詳土耳其國說。 傳國已千餘年。其屬國有猶太者。詳土耳其國說。 西土文教之
 邦。壤地雖狹。四國皆欽重之。巴在倫。 遇藩國無禮。猶太不朝

貢周簡王年間。巴庄倫以大兵伐猶太。破都城。猶太王自殺。巴庄倫縱兵淫掠。又脇遷其民。每猶太人十餘間。勁兵一隊。鞭撻驅行。老弱轉死。數百里。僵屍相屬。哭聲振野。猶太人恨之。次骨。每食必祝其速亡。居魯士既興。巴庄倫王淫虐無人。理國大亂。猶太族日備。壺漿待王師。周景王八年。居魯士大舉伐巴庄倫。巴庄倫望風奔潰。破其都城。巴庄倫亡。乃釋猶太民歸國。居魯士北征卒於軍。分國為二。兩子治之。後有乾一作西王者。北斯一作同。好用兵。嘗侵麥西。又名厄日多。詳麥西。遣使招降。麥西民殺使者。王怒。圍都城破之。戮壯者二千人。并殺王之子。麥西王僅以身免。後乃降附。王沈酒於酒。諫者

輒射殺之。以妹為妃。孕乃蹴之。死。有弟聰。敏忌而殺之。醉後舞劍。自傷其喉而死。無子。有冒王弟者。欲繼立。國人殺之。群臣議所立未定。約騎馬同出。曰。馬先嘶者立為王。已而大流一作連。馬先嘶。遂即王位。時周敬王年間也。大流士有權略。好征伐。巴庄倫叛。圍之。一年八月。城破。釘其民十人於架。後伐希臘。而敗。慚憤死。子澤耳士一作拾。嗣立。復以三十萬衆伐希臘。全軍皆覆。國勢遂衰。周顯王年間。希臘基頓王亞勒撒得。以三萬五千人伐波斯。波斯潰。馬基頓蘇聯城幾陷。會亞勒撒得卒於軍。希臘兵乃散走。亞細亞。麥西諸地俱為希臘諸將所分割。西漢時。羅馬淫虐西土。

拓地至西里亞即亞細亞以兵伐波斯波斯以奇兵絕其糧道羅
 馬兵潰歸波斯尋遣使修好故羅馬之兵不復東漢書所云
 馬安息即波斯大秦即羅唐初阿剌伯人摩哈謨創立回教因起兵攻
 阿剌伯奪其國時波斯衰弱為摩哈謨所兼并故自唐以後
 波斯遂為回國

按上古時波斯天竺皆事火神拂菻即羅太以西皆事天神事
 火神者拜旭日或燃柴薪向之禮拜民非火化不生非白日
 則宇宙無睹故兩地之夷上古即有此俗義起報本非邪神
 也事天神始於摩西時在有商之初沃丁年間託言天神降於西
 奈山在阿剌伯境內垂十誡以教世人七日安息禮拜即起於此距

教祖之生尚隔一千數百年乃洋教之所自出非即洋教也
 天然自佛教興而祀火之俗改今西域之乾竺特南印度之
 孟買仍有拜火之俗是其明證波斯則自唐以前尚未改後
 其國為回部所奪始改從回教然至今禮拜仍兼拜火神故
 莫末真有大陽火神古殿也中國自前五代時有祆神祠又
 有胡祆祠火祆祠唐時有波斯經教天寶四年詔改兩京波
 斯寺為大秦寺又有景教流行中國碑建中二年大秦寺僧
 景淨述今考祆字从示从天即天神其教起於拂菻即羅太
 建此國教祖本大秦國之東境大秦即意大里之羅馬國
 乃其裔也國人因其人長大平正有類中國人
 本國並無此名謂胡祆之即祆神祆神之即天神祆字本中國人

所造西土不同文。而屬之大秦似也。佛孫自漢初隸羅馬至唐時乃為阿剌伯所奪是即西教之嚆矢也。若火神教則出自波斯。與大秦無涉。謂為火祇。則已混火神於天神。謂波斯教出於大秦。則又邈本支於異姓。景教一碑。尤為荒誕。景教即火教。中間景宿吉祥。懸景日以破暗府。亭午昇真云。皆指太陽火也。又牽涉洋教。其所謂三一妙身。无元真主。阿羅訶者。不知何人。而一切詞語。又皆緣飾釋氏糟粕。非火。非天。非釋。竟莫名為何等教矣。蓋波斯之祠火神。本其舊俗。而佛教行於天竺。乃其東鄰。天神教行於大秦。乃其西鄰。至唐代。則大秦之洋教。又已盛行。胡僧之黠者。牽合三教。而創為景教之名。以自高異。中國

不知其原委。遽從而崇信之。正昌黎所謂惟怪之欲聞者耳。又碑中云。貞觀十二年。大秦國大德阿羅本。遠將經像來獻。上京阿羅德果。自大秦來。其為洋教無疑。其經當即歐羅巴所傳之教書。乃當時不聞有此。而所謂景教者。依傍於波斯之火神潤色。以浮屠之門面。是不可解也。自唐以後。佛教盛行。胡祇火祇之祠。波斯大秦之教。俱不復見。據泰西人所記載。惟阿非利加北土之阿比西尼亞。尚有大秦教名。亦仍是波斯之火神教耳。

阿剌伯。亞拉彼亞。亞拉鼻亞。阿爾拉密阿。阿辣波。回教。
亞。阿黎米也。阿丹。阿蘭。天方。天堂。
 初興之國也。北界東土耳其。東界波斯及阿物富海。南距印度。

海西抵勒爾西海長四千餘里廣三千餘里其地西南瀟
 海一帶有腴壤中央皆戈壁高旅必結隊以行否則虞盜
 劫且慮風沙埋沒物產唯粟最多人與畜皆食之產名馬牧者
 愛養如兒子能一日行五六百里駝尤良負重行遠皆賴之又
 產加非香料沒藥之類其地古時為土夷散部恒役屬於波斯
 陳宣帝大建元年有摩哈麥者或作摩哈默又生於麥加一作
 少年為商往來西國娶富商之寡遂致大富不識字而性聰敏
 以佛教拜偶像為非而泰西諸國西教已盛行思別創教門以
 自高興入山讀書數年著書曰可蘭入其教者焚香禮拜念經
 禁食猪肉唐高祖武德四年逃難於麥地拿一作默德那土人
 又作美的納

靡然從教即以是年為元紀今回教稱一千一百幾十年即本
 年故稱一千其後徒黨日衆不入教者率衆攻之兵敗徒散收
 合復起遂滅大敵據阿刺伯全土布其教於四鄰鄰部皆畏而
 從之回教遂蔓延西土當其盛時嘗剪滅波斯吞食羅馬諸
 諸據阿非之北境紅海地中海裂歐羅之西亞細亞縱橫三
 土亞細亞阿非於無敵後為土耳其所攻屬藩盡失日就衰
 微卒乃納貢於土耳其稱藩國焉西域稱摩哈麥為派罕巴爾
 華言天使也其苗裔稱和卓木華言神裔也巴達克山塔什干
 皆其支派而雷基古兄弟稱大宗回部以為貴種所至輒擁戴
 之黠虜藉其名以號召回衆數數犯邊遂為西鄙長患云多加

麥地拿皆在紅海之濱摩哈麥生於麥加其地有黑石上作大殿周一里許麥地拿為摩哈麥葬處斂以鐵棺每歲諸回回來兩地禮拜南洋西域泰西阿非利加近者數千里遠者數萬里接踵膜拜以數萬計○阿刺伯地分六部首部曰黑德修斯都城曰麥加建於山谷之中屢屋雲連街衢濶直海口甚大出運之貨以加非為主販行歐羅巴各國次曰也門曰亞連拉毛曰阿曼曰刺沙曰內德慈其海口在西方者曰熱他富商所萃在東方者曰木甲與英吉利米利堅定約通商以兵船巡海護之○亞丁小島也在紅海口門之外現為英人所據

按阿刺伯古條支國也回教既興乃有天方天堂等名皆花門誇耀之稱比其國於天上其實本無此名其國在波斯之西南前明時累次朝貢多由西域陸路來明初鄭和等由海道使西洋至天方而止稱為西洋盡處彼蓋由印度海駛入紅海遂以為海盡於此而不知小西洋之外尚有所謂大西洋也

佛教興於印度以慈悲為主以寂滅為歸中土士大夫推闡其說遂開禪悅一派摩西十誡雖淺近而尚無怪說西教著神異之迹而其勸人為善亦不外摩西大旨周孔之化無由宜之重譯彼土聰明特達之人起而訓俗勸善其用意亦無惡於天下特欲行其教於中華未嘗不知分量摩哈麥本一

市僧忽起而創立教門其禮拜與洋教同所別異者僅不食猪肉一端而其獸處無倫則又為泰西諸國之所唾棄乃自李唐以後其教漸行於西域今則玉門以西盡亞細亞之西土周迴數萬里竟無一非回教者鴉鼻嗜鼠蜈蚣甘帶孰為正味正難深求於侏儻之俗矣

考泰西人所刻地圖及所著書五印度之西土耳其東土之

東土耳其東土即西里亞止有波斯一國阿富汗俾路芝

皆波斯地乃近代所分割非古建國誓之前後漢書出莎車

南道西踰葱嶺為大月氏安息諸國毘連者為罽賓烏弋山

緬條支諸國證以泰西人地圖波斯西南之阿刺伯東界阿

其本其南其西其東

勒富海俗名東海南界印度海西界勒必西海俗名紅海惟西北一

面通陸路與漢書條支傳所云海水庭作詔冷及東北三面

路絕惟西北隅通陸道者一一聯合是條支之為阿刺伯確

鑿無疑又前漢書安息傳北與康居東與烏弋山輪西與條

支接又稱其國臨場水商賈車船行旁國又後漢書大秦傳

稱大秦王欲通使於漢而安息欲以漢繒絲與之交市故遮

遏不得自達今考波斯東北界有沙磧臨阿母河即古之場

水其西界接土耳其東土正古大秦國東境由大秦通漢舍

此別無道路是今波斯之為安息亦無可疑也惟大月氏或罽

賓烏弋三國為今何地迄無定論或謂罽賓為大月氏此

別名其東境正接波斯條支即阿剌伯其西北隅亦接波斯波斯即漢之安息若謂烏弋即中印度則中隔數千里之安息何由得與黎鞬條支接耶五印度西界有印度河河西山岡連屬是即天竺與迦西諸國天然界限若謂罽賓為北印度烏弋為中印度西印度亦必包於兩國之中是所謂天竺者將專指東南兩印度乎且漢書明列罽賓烏弋天竺為三國今乃割天竺之大半屬之罽賓烏弋而令天竺本國轉無位置之處恐蓋堅蔣宗無此紕繆文法也又天竺傳稱從月氏高附國以西南至西海東至罽起國皆身毒之地身毒有別城數百城置長別國數十國置王雖各小異而俱以身毒

為名。罽起不知為何地。高附別有傳云在大月氏西南本屬安息。及月氏破安息乃得高附云。度其地總在附近印度河一帶。曷嘗云西至罽賓烏弋皆身毒之地俱以身毒為名乎。又天竺傳稱天竺在月氏之東南數千里。曷嘗曰在罽賓之南烏弋之東乎。諸胡弱肉強食一彼一此數十年即有變更而大地山河萬古不易。按圖而鞮固歷歷可攷耳。後漢書東漢和帝永元九年西域都護班超遣掾甘英往通大秦抵條支臨海欲渡安息西界船人告以海水廣大往來須齎三歲糧英疑憚而止大秦屢欲遣使於漢為安息遮遏不得通桓帝延熹九年其王遣使自日南徼外獻象牙

犀角瑇瑁始得一通云考泰西人地圖安息即今之波斯

條支即今之阿刺伯東漢時大秦即意大里之羅馬正當全盛未分

東西詳意大里圖說其國都在意大里之羅馬東境至西里亞猶太

即唐書之拂菻國與安島接壤若由安息往大秦渡鳩水入安息境

約三千餘里即今波斯即已入大秦東境今土耳其東土其地

再西北行約三千餘里今土耳其渡海峽即亞細亞之巴比倫歷

腹之北境今土耳其約二千里至意大里之東北境今亞細亞地又

西南行千餘里即至大秦都城即今計陸路萬里而近自西

里亞以西皆大秦地漢書所云從安息陸路繞海北行出海

西至大秦人庶連屬十里一亭三十里一置從無盜賊寇警

者的確不誣又云道多猛虎獅子遮害行旅不百餘人齋兵

器輒為所食按西里亞以西皆大秦名都大邑四達通衢安

得有猛獸遮害行旅蓋安息貪繒絲交市之利必不欲大秦

之通漢故為此誕說以阻漢使之西行所謂遮過不得通者

此也若由條支從海道往則阿非利加之大浪山一路自明

以前未通舟楫即今歐羅巴諸國貨船往來之歐羅巴東來

海道率取道於地中海紅海條支都城在麥加乃紅海北岸

漢書云條支城在山上周圍四十餘里正今之麥加城也而其東境又臨阿勒富海甘英

所臨之海未知其為阿勒富海抑即紅海若為阿勒富海則

須繞條支三面之海計水程六七千里至紅海之尾而海盡

行陸路一百七十里。地名蘇士至地中海之東南隅。再登舟西駛約六千餘里。而抵大秦都城。即羅馬計水程約一萬三千餘里。若所臨係條支都城之紅海。則西北駛千餘里。已至紅海之尾。計水程不足萬里。中間隔陸路一百七十里。不能一帆直達。明以前。歐羅巴大船不能直抵中國。即因此阻隔。海國聞見錄所謂不用刀截斷者也。近年英吉利用火輪船。送文報皆由此。然舍此別無道路。計其水程。遠則四五十日。遲亦不過兩三月。半載儘可往返。何至須齎三歲。藉蓋安島。總不欲大秦之通漢。故使西界船人。麥加里遠甘英所臨之海。常係阿勒富海也。設此詞以難之。甘英憚於浮海。遂中止耳。至安東之入貢。由日南徼外。即今越南南境之占城一帶。乃

由紅海駛入印度海。東南行至蘇門答臘。嚳羅巴之巽他海峽。轉而北行。入南洋。抵越南之南境。今歐羅巴諸國。來粵東。繞阿非利加。至印度海。後亦由此路。若從陸路。須由日南。歷暹羅。緬甸。抵東印度。越中印度。至西印度。無論中間。歷數十番。部使幣難通。而西印度以西。仍須經遮邁之安息。方達大秦東境。故知其必由海道無疑也。○大秦國之北方。亦有陸路可通中國。須從塞地利亞。東北行。歷撒羅斯南境。至裏海之北岸。轉而東行。歷西域。游牧城郭諸部。可抵玉關。此則不入安息境。無從遮邁之矣。然兩漢時。大秦北境。至日耳曼而止。塞地利亞。以東以北。皆匈奴別部。時我羅斯尚未立國。時擾大秦邊

山以南之回部遍列成屯。凡漢志所云西域諸國。隸版圖者十
 六七。我羅斯當元氏之衰。崛起西北。其國都在歐羅巴之波羅
 的海隅。漸拓地東南。至亞細亞黑海之東岸。再拓而東南。至亞
 細亞裏海之北。之西。泰西人所刻地圖。新疆回疆。後藏之西。我
 羅斯之南。之東。波斯阿富汗印度之北。統名之曰達爾哈斯丹。
 又謂之鞏韃里。或作達達爾。鞏韃里者。游牧行國。無城郭室
 廬。歐羅巴人罕涉其地。故不詳其部落之名。綜其大勢。東起蔥
 嶺。西抵裏海。泰西人稱為喀爾士。單安一作加斯比約。不過四五千
 里。南起波斯阿
 富汗印度北抵我羅斯界。亦不過三四千里。其間部落之大者。
 不過六七。東北多行國。西南多城郭國。諸書博引繁稱。半多舛

慎今就其可據者言之

泰西人紀載有軍安。擲等名。大約在鹹海裏海之間。其境土國勢未詳。故未

哈薩克回部之大者也。東北界科布多所轄之烏梁海。迤南界

塔爾巴哈台。東南界伊犁。北界我羅斯。西南界塔什干浩罕布

爾特諸部。地分三部。左部曰鄂爾圖王斯。在伊犁之西北。右二

部亦稱中部。西部曰齊齊王斯。西部曰烏拉王斯。兩部在

伊犁之正西。乾隆二十年。準部底定。阿睦爾薩納叛逃。左部誘

其汗阿布賽合兵拒戰。我軍擊破之。左部遂降。中西兩部亦請

軍門納款。皆授王公台吉世爵。三年一貢。歲一市。以馬羊易緞

布。而稅其百一。左部自古為行國。逐水草。游牧。與準部蒙古同

俗而從回教右二部則有城郭右二部之北別有部曰北哈薩克以寇鈔為俗時侵掠農羅斯邊境設兵防之

布魯特分東西部東部五在天山北準部之西南舊游牧於特穆爾泊左右部長稱鄂拓克後為準部所逼西遷寓安集延王

師定伊犁乃復故地乾隆二十三年率戶口歸附散處新疆回疆卡外西部十有五在葱嶺之西與哈薩克諸軍拔達克山

連每部所轄多者千餘戶少者二百餘戶共二十餘萬口以額德格納部為之長二十四年歸附各授其頭目品官凡二品至

七品貢市如哈薩克之例兩布魯特皆游牧行國而奉回教與哈薩克左部同俗性剽悍喜擄掠

巴達克山葱嶺西南城郭回國也扼葱嶺之右距葉爾羌千有餘里北鄰有城曰萬軍一作幹字又作瓦漢其地群山環繞田土膏腴茶

室以居耕田而食亦兼牧獵之利戶口十餘萬頭目戴紅氍毹小帽束以錦帕衣錦氍衣腰繫白絲絛足躡黑革鞮女則披髮雙

垂飾與男子同氏人帽頂似葫蘆邊飾以皮衣黃褐束白絲絛

乾隆二十四年逆回會審集古兄弟為王師所敗奔巴達克山

縱兵肆掠其酋素爾坦沙禽波羅尼都霍集古囚之王師歷境

搜索乃縶殺之而獻其馘率所部十萬戶及鄰部博羅爾俱納款受封賞甚厚

博羅爾在巴達克山之東城郭回部也四面皆山西北有河人

戶二萬有奇。乾隆二十四年，與巴達克山同時內附。其人別一
 種族，築屋而居，有村落，無文字，與諸回部語言不通。惟衣帽與
 安集延相倣，人皆深目高鼻，濃髮繞喙，男多女少，恒兄弟四五
 人共娶一妻。生子女次第分認，無兄弟者，與戚里共之。土半沙
 南，故其人苦貧。地多桑，取其曝乾為糧，飲山羊之乳，以馬湮為
 酒。稱其貧曰比，以人口為賦稅。生子女，納其半，賣於各回城為
 奴婢，值頗昂，每口以五六十八九十金為率。

乾立特，或作述，標持。別一種族，在葉爾羌南，地與後藏相接，無城郭
 宮室，鑿山為穴以居。種米麥以食，亦有以游牧為生者。人蓄
 髮，耳綴金環，其俗敬火，每晨以柴燒火，向之禮拜。地南斤，富者

僅自給，貧者多傭工於他國。稱其酋曰汗，汗亦貧甚，惟取所部
 子女鬻於各處，取其值以自贖。與博羅爾相似。

巴勒提，一作巴爾替，又在博羅爾南重山複嶺之中，人戶寡弱，
 不足六七千，有屬邑曰哈善倫，稱其酋曰比，俗遵回教，不蓄髮，
 不食豬肉，衣帽語言與安集延同，以游牧為業。冬日嚴寒，覓山
 坳避處，以蒿枝結窠，人畜共處。其中十月雪已盈丈，三月雪消
 始出，地產獨峯之駝。

浩罕，一作教罕，又作霍罕，俗稱安集延，回部城郭之國也。地在葱嶺
 之西，有四大城，俱當平陸，最東為安集延，與布魯特星連。其人
 長於心計，好賈遠游，南北各城處有之。故西域盛稱安集延。

今遂為浩罕種人之名。從安集延西百有八十里。為瑪爾噶朗城。又西八十里。為納木干城。一作又西八十里。為浩罕城。其汗居之。四城皆濱那林河。嶺。又所屬小城三。曰高什。在東南。曰雷占。在西南。曰科拉普。在西北。近年塔什干亦附之。故浩罕又稱八城云。元人所置。撒馬兒罕城。在浩罕城西。今成廢墟。浩罕風俗。略同南路諸回城。而驍勇過之。性最陰狡。習於攻掠。西南與布哈爾毘連。世為勦敵。乾隆二十四年。大軍追霍集占。霍集占欲投安集延。安集延不納。其酋額爾德尼旋奉表貢馬。其後霍集占兄弟。為巴達克山所殲。波羅尼都次子薩木薩克。逃赴浩罕。故浩罕有逆酋遺孽云。

按西域卡外諸回部。哈薩克最馴擾。布魯特好鈔掠。而部落瓜分。不相統一。其餘或寡弱。或荒遠。俱不能為邊患。獨浩罕一部。毘連布魯特。附近吾圉。其人長於服賈。心計精密。卡內之南北。各城卡外之回部。各國足跡無不到之地。性貪而狡。馮思啓子女。玉帛之所在。剗剗並延。逆酋波羅尼都遺種於茲。浩罕藉其和卓之名。居為奇貨。和卓或作霍卓。華言聖立。回教。精於軍。巴爾魯克言天使也。其子孫分布而城。稱為和卓水。以其為教祖貴種。回人皆敬信之。頃遂擁逆。裔張格爾。誘脇布魯特。攻陷四城。括其蓄積。細載而去。嗣復擁玉素甫。鈔掠喀城。蓋其虎狼之性。踴躍之謀。乘機即發。而布魯特愛曼也。聚落散處。本以寇鈔為俗。聽其驅役。嘗為先導。

是此時邊防之最要者惟此勇爾

塔什干一作塔什罕亦城郭回部在浩罕之西北與哈薩克右部界

連地處平原多園林饒果木土宜五穀民居稠密舊為右哈薩

克屬部乾隆二十三年遣使奉表求內屬尋入貢後又附浩罕

為屬城蓋其國介塔薩克浩罕之間弱小不能自立故兩部皆

得役屬之云由塔什干踰錫爾河又逾納林河為賽瑪爾堪城

即撒馬兒罕今在浩罕境內又西南為噶拉克則城又西為烏爾根齊城兩

當是布哈爾地又西臨達里岡阿泊即城

布哈爾○布哈爾○札布○策札布○甲不回部大國也東接拔

達克山諸部東南連北印度之克什米爾南界阿富汗西南界

波斯北境與浩罕接壤包浩罕西界抱城海而達表海橫貫之

恢闊諸回部殆無與比東境多山嶺西界有大戈壁沙磧有城

郭而無耕牧戶口不繁部落甚多屬城有鄂勒推帕疑即西城

郭濟雅克拜爾哈斯等名匝阿母河兩岬皆布哈爾境土

元人所置行省者也其地氣候頗炎冬無大雪產五穀瓜果又

產骨董羊俗長騎射與浩罕時時構兵鄂勒推帕部山徑斗絕

人强悍尤浩罕所忌云或云已為浩罕所破乾隆二十九年因巴達克山

諸內附道光十九年俄羅新欲窺印度密差頭人至布哈爾使

與英吉利印度屬國構兵英人率兵入險講和而罷

按西域諸國布哈爾最大其地西接波斯東連印度為西南

諸國之冠

西三雙山縣

回部之樞紐道光二十年粵東譯出英人新聞紙即月有云

五月十四日接印度來信論及俄羅斯欲攻打印度之事蓋

我英國之印度兵攻取興都哥士山即雪南邊各部落而俄

羅斯邊境在此山之北三年前尚有回部四五國互隔今止

隔一大山而已因布哈爾已附俄羅我羅斯近日直攻至韃

韃里之橫塞韃里即海收回部橫塞一作基瓦又作其機當在鹹海之西皆因我等

攻取阿付額尼部即阿富汗尼士丹故俄羅斯亦攻至塔

拉士河即阿已約木哈臘即布同取阿付額尼部以攻打印

度為我兵頭沙阿力山及馬約里治堵禦故計不行我羅斯

前在希臘即額里士與巴社人即波立約欲收復阿付額

尼以攻取印度亦因我兵頭律勿蘭所拒後詭稱收回逃散

奴僕攻取機塞及木哈臘人皆謂我羅斯得此二地布哈爾

併入我羅斯之事大當必退兵乃又使人日日學習印度事

務又與木哈臘人立約同取阿付額尼不知我羅斯人要利

何地方肯住手我羅斯人曾以兵威自黃海即波羅攻至黑

海即勒心一帶地方以廣其國境所以今日必要隄防其在

荷薩士河駐扎之兵云又英人所著萬國地理書云道光

十九年我羅斯私差奸人至甲不即布兜攬事情適滋事端

云即此事也余按俄羅斯近年疆土日廣其國之南境已

盡裏海之西北兩岬由裏海之北岸直趨東南中間所歷之

韃靼回部如俄羅之類皆冗弱無足比數我馬往來如若無
人布哈爾較大實為東道關鍵故俄羅斯脇而降之以為進
窺印度之計也。窺人之取印度也由海。窺人之窺印度也由
陸。論巧則我。不如英。量力則英。不如我。兩國之在西土。可稱
勦敵數十年。後當不知作何變動矣。

西域諸回部。七椿園西域聞見錄言之最詳。官書如一統志
四裔考之類。世不經見。遂以此錄為典要。而不知其訛謬駁
踳。殆不止一二端也。推馮爾之荒唐。述木爾沙之謬誤。人皆
知之。愛烏罕之訛為教罕。波斯之訛為塞克。國說見前議者徒知
摺弊。卒未有適其原委而為之辨明者。其所稱大西洋諸國。

大半影響。惟西域之博羅爾。退撒特。即乾特。哈拉替。貝。即巴三

部。言其土俗頗詳。足補官書之所未備。餘則不足深考矣。又

新疆識略及西域水道記所載諸部落之名。距回疆較近者。

曰。朮。曰。特。曰。差。特。拉。勒。一作沙。曰。赫。斯。圖。濟。曰。羅。善。曰。克

什。南。即西域聞見錄。曰。達。爾。瓦。斯。距。葉。爾。羌。十三站。至十八

站。不等。皆雜兀小回部。錯處於布魯特浩罕之間。稍遠者曰

依。色。克。曰。差。者。雅。曰。輝。爾。斯。曰。塔。爾。罕。以上四部似。皆距

回疆二十餘站。至三十餘站。不等。至若瓦罕為巴達克山之

屬城。哈普隆為巴勒提之屬城。窩什霍石科拉善為浩罕之

屬城。鄂勒推特齊雅克拜爾哈噶斯。此為布哈爾之屬城。堪

連於爾為愛與罕之屬城。賈人往來喀葉諸城多稱其城邑之名而不復稱其國土之名。遂致茫昧紛紜不可辨識其地形方向。諸書或同或不同。不敢意為位置也。葱嶺之塞勒庫爾東流入羅布泊。即星宿海所謂崑崙河源者也。其葱嶺以西之水分三大支。一支發源後藏西流至克什米爾西界轉而南行。會北印度諸水至西印度之信地入大海。所謂印度河也。其餘兩支皆自東而西南。一支為阿必河。泰西稱亞木達里亞。發源葱嶺會布哈爾境內諸水西行二千餘里北折入於鹹海之南。北一支為納林河。泰西稱西爾達里亞。發源葱嶺會北方諸水西行二千餘里入於鹹海之北。鹹海又名死海。

西域稱達里岡阿泊。泰西稱亞拉爾。南北約六七百里。東西約二三百里。水鹹凝結成鹽。不通大海。故名死海。鹹海之西約千里有大澤曰裏海。泰西人稱喀爾士畢安。一作加斯比。約南北約三千餘里。東西約千里。所受者西北諸國之水。汪洋似海而不通大海。故名裏海。其東岸為西域回部極西之境。逾裏海而西。即俄羅斯東南境。與波斯西北境。世多以裏海為雷翁海。誤矣。按葱嶺以西之水。以雷翁海為尾間。地羅及穆諸水入焉。考之西洋人地圖。葱嶺以西。惟印度河南流入大海。其餘南北諸小河。下游匯為兩大支。北為納林。南為阿必。皆以鹹海為歸宿。則鹹海之為雷翁海似無可疑也。裏

海在鹹海之西絕不相通較之鹹海大幾十倍東來之水盡
 入鹹海亦絕無涓滴入於裏海蓋昔時止知有雷素海迨秦
 西通中國之後始盛傳裏海遂以為非裏海不足當雷素海
 之名而不知其渺不相及也惟前漢書稱康居西北可二千
 里有奄蔡國臨大澤無涯此則為裏海無疑即以此為史籍
 言裏海之始可矣

此下里亦六字似身之身或入附之康居
 三三六里亦六字似身之身或入附之康居
 此下里亦六字似身之身或入附之康居

